

I. N. 3.

23

# REGNUM ME- TAPHYSICUM,

Ex

Consentu amplissimæ Facultatis  
Philos. in alma ad auram A-  
cademia,

SUB PRÆSIDIO

Viri Adm. Rever. & Celeberrimi,  
Dr. M. SIMONIS THEOLOGI

Logices & Metaph. Profess. ibidem  
Ordinarii & amplissimi,

DISPUTATIONE GRADUALI

ab

ERICO BRUMERO  
ad nbratum.

In Auditorio Maximo,  
ad diem 8. Decembris, A. 1697.

---

Impr. apud Jo. WALLIUM.

SACRÆ REGIÆ MAJESTATIS  
MAGNÆ FIDEI VIRO,

*Reverendissimo in CHRISTO  
Patri ac Domino,*

**DN. PETRO  
LAURBECCHIO,**

Sacro Sanctæ Theologiæ Doctori  
Celeberrimo, inclytæ Diœcesis  
Wiburgensis Episcopo Eminen-  
tissimo, Consistorii ibidem Eccle-  
siastici Præsidi Amplissimo, Gy-  
mnasii Regii, & Scholarum per  
Diœcesin Ephoro Gravissimo,  
Mecenati Maximo ac Domino,  
humiliora mente æternum  
prosequendo.

*VITAM LONGAM,  
PERENNEMque FELICITATEM!!!*

**T**on minimo, Reverendissime  
Dn. Pater, gracie divinae affici-  
untur sensu Musarum Se<sup>t</sup>atores  
illi, quibus, dum aspera atq<sup>z</sup> pre-  
rupta quævis sibi obvia conantur subire,  
supremum Numen ita voluit prodigium,  
ut scil. primas spes de<sup>t</sup>ituente fortuna, regne  
desperationi ferè imminentे, præcipue quibus  
angusta res est domi, alma quorundam benti-  
gnitate iterum excitentur reficianturq;. Sic  
Reverendissime Dn. Pater, fortunam me-  
am citra dubium in consilio habuisti, dum  
mihi, qui semper inopiam pressus rerum, nihil  
secus tamen literis incumbens animo haud de-  
sponsato, perplurimis Tuis beneficiis subvenire  
voluisti. Quæ tam magna sunt, ut nec aut  
mente assequi aut oratione complecti queam.  
Ex quibus hoc unum, à quo de ceteris fa-  
cile est judicare, memorasse sufficiat, videl.  
quod comes itineris cuiusdam, non servi, cu-  
jus vices semper explebo, sed filii jus optimè  
usurpaverim. Proinde a grētuli vicem meam,  
quod non licuerit decenti quodam modo vel  
saltrem aperire animum meum in Reveren-  
diff. Vestr. Paternit. gratissimum. Cum  
igitur tempora jam ferrent, Disputationem in

vulnus à me edi simplicissimam, diu animum  
versavit metus, num sustinerem Nominis Tuo  
per amplio eandem inscribere: tandem spes me-  
tum vicit, postulavitque Nominis Tui per-  
nix in me veneratio, ut illud ipsum ei sacrum  
daretur. Quare, patiaris, Reverendissi-  
mme Dn. Pater, illud Vultui Tuo non  
solum subjici, sed lucem etiam inde fænerari  
hanc exiguam, humilime rogo. Non enim  
ignoras, quis rerum mearum status; quare  
fortuna erat, cum curam ei maximam debe-  
rem impendere, quare etiam prodiit non ma-  
turus sed abortivus fætus. Nec est quod du-  
bites, Reverendissime Dn. Pater, quin gra-  
uiarum actio apud me sit humiliata; & que  
clementer & benignè fecisti, non meritis meis,  
sed naturæ Tuæ indulgentissimæ tribuam,  
quam ne pluribus fatigem, orator de cetero  
sum humiliatus, ei ne minus in posterum liceat  
quam licuit. Semperque permanebo

Reverendissimæ Vestræ Paternitatis

Cliens devotissimus  
ER: BRUMERUS.

Ad Virum  
Doctrina & morum cultura  
Eximum,

DN. ERICUM  
BRUMERUM,

Philos. Candidatum dignissimum,  
LECTOREM Log. & Phys. in Regio  
Gymnasio Wiburgensi confirmatum,  
Amicum singularem,  
DE REGNO METAPHYSICO,  
Pro Honoribus Philosophicis  
disputantem,

Προσφώνησις:

Regna suis librat scriptis ceu candi-  
dus Histor,  
Sic Metaphysica nunc regna do-  
cere paras.

Amic. ergo

A. WANOCHIUS,  
S.S. Theol. Prof.

Philosophiæ CANDIDATO Meritissimo,  
Fautor & Amico singulariter dilecto.

Qvod Tibi tantopere est Regina  
Scientia cordi,  
Bruñiere, Auriaci portio lecta  
chori,

Sunt referata Tibi vasti penetralia  
Regni:

Teqve latens servat Concio  
docta nihil.

Obvia, vos Mūsæ, nunc oscula ten-  
dite Alumno,

Et festiva Viri Laurea lambe  
comas.

*Plurimis licet occupatus, sic  
tamen gratulabundus*  
*fcr.*

TORST. RUDEEN.

**M**inime subeat mirari L. B. quod materiam hanc satis arduam & intricatam publicæ luci sustinuerim dare, siquidem prægnantes subsint causæ, quæ animum aliorum claritate in primis quidem suppressum, deinde vero magis atq[ue] magis accensum, ad hoc ipsum torserunt. Nam licuerat mihi, Atheneo huic Musarum per amplio sexennium ferè per divinam gratiam adesse, & tamen illo omni tempore non audire discursum aliquem peculiarem, de Matria substrata agitatum, præcipue de principiis cognoscendi complexis Metaph. num illa petenda est naturâ vel Scripturâ simul? & quodnam Adæquatus Genus Metaph. Sapientia vel Scientia? Atq[ue] cum ante aliquod tempus in Exc. D. Calovii Metaph. aliqua per volverem, offendit solida argumenta pro affirmativa illorum, quæ in Disputatiuncula mea jam complexus sum. Dolui igitur vicem tanti Viri, quod rationes suæ graves sepulta jacerent silentio, nec ab aliquo in medium prolatæ. Proinde Holmiam abbinc aliquot menses proficisciens tacitâ mecum judicavi pensatione, dignissimam esse materiam, quæ prælo sudaret, in votis temperba-

babens, parem nobilitati sue inveniret Aucto-  
rem; Verum cum hactenus nemo semet profi-  
zeretur, qdi Exeell: D. Calovio hoc ipso grati-  
ficari vellet, fvasit ejus auctoritas, jusserunt  
merita, imperarunt denique rationes illæ, qvas  
à sua parte mouet gravissimas, ut materiam  
hanc elaborandam mibi susciperem, ne forte  
vicio oblivionis ulterius occultaretur. Cumque  
mibi more solito juxtaque constitutiones A-  
cademicas disputatio esset confienda, hanc  
sumis eò latior, qvò rutiues aliorum quasi ore  
mibi loqui licet. Allegavi enim alicubi ab Ex-  
cell: D. Calovio & paucis aliis integras senten-  
tias, ut, si forte alicujus temeritatis vel arro-  
gantia disputatio nostra argueretur, culpa &  
poena omnis in tantos viros redundaret; vel  
etiam ut Vir quidam Ampliss. dixit: agno-  
scimus dona Dei in aliis, ne sibi sapere videa-  
mur, & alios negligere: Alicubi iterum pro vi-  
ribus ingenii nostri conabamur materiam ex-  
plicare, sed hoc uno torquemur, quod subtili-  
tate suâ illas longè superaret. Quare  
spem veniae tuae L. B. nobis pollicemur, si vo-  
luisse in magis etiam satis est. Bene igitur  
daleas, & quæ à nobis inter tot impedimenta  
conscripta sunt, pro favore tuo boni consulas!

MEM-



# MEMBRUM PRIMUM

Propositum quædam continens

## §. I.

**M**os longo receptus est  
usu, auspicioque sobriè  
philosophantium semper  
obtinuit, argumentum  
quoddam qui tractare  
laborant, certum ut si  
bi præfixum habeant scopum, quo opel-  
la sua omnis normabitur. Qui ut con-  
ceptum, rei intentæ conformem, intelle-  
ctui repræsentabit, ne huc illucque in ve-  
ritatis investigatione aberret; ita dubius  
& inconveniens non est admittendus,  
quin summoperè in id incumbendum, ut  
ejusmodi investigetur, quo intentionem  
nostram assequi valeamus. Haud dissili-  
mili ratione Disputationeula nostra in  
frontispicio habet inscriptionem, ad  
quam, tanquam ad objecti sui normam,  
illa ipsa, qualiscunque sit, instituenda er-  
it,

A

rit,

rit, ne heterogenea pro homogeneis venditentur, alienavè pro propriis assumantur. Igitur, cum Materia Disputationi jam substrata, sit de REGNO METAPHYSICO, qvod videlicet Metaphysica seu REGINA, adjunctis sibi Consiliariis, GNOSTOLOGIA & NOOLOGIA, in inferiores disciplinas exerceat, non ab re fore duximus, si viam pandamus ad intimiora eorum referenda, quæ ex ratione propositi, sub incudem Dissertationis erunt revocanda, præmissis scilicet illis, quæ quam maximè faciunt ad Entis in abstractissima sua consideratione notitiam, quibus sine institutum nostrum frustraneum & nullum, utpote Disquisitione, quibus principiis acquiescat Metaphysica; num solum principio ex libro naturæ, vel insimul ex Scripturâ Sacra deducto; Qvodnam ejus adæquatum Genus Sapientia vel Scientia?

## S. II.

Principii varias acceptiones heic in compendium mittimus, & solum eas, quæ quamplurimum usu frequentantur à Philosophis, consideramus, quibus illud dividunt in Principium essendi & cognoscendi.

8

Illudque vel *Specialiter* sumitur, quatenus  
principio fiendi & conservandi oppo-  
nitur, quomodo *principia effendi* sunt, ex  
qvibus aliqvid intrinsecè constat: *fiendi*,  
ex qvibus aliqvid producitur: *Conser-  
vandi*, à qvibus aliqvid in esse conservatur.  
Vel *Generaliter*, prout dat esse alteri, sive  
per generationem, creationem vel alio  
modo, sive intrinsecè illud constituat, sive  
conservet. Posteriori modo, quando in  
nimis laxo significatu accipitur *princi-  
pium effendi*, fatemur quidem objectum  
Metaphys. Ens hoc quodammodo admit-  
tere, in quantum DEUS hominem sa-  
pientiae capacem condidit, & naturale,  
sciendi sublimia quæque, desiderium indi-  
dit. Præterea ingenia Theorica ad hu-  
jus studii culturam excitavit, iisdemque  
ad veritatis & causarum summarum in-  
vestigationem singulare acumen conces-  
sit. Hoc, non priori modo, concedimus;  
Nam Disciplina hæc universalissima, o-  
mnia, quæcumque existunt, sub objecto  
suo Ente comprehendit, cuius ideo na-  
turæ repugnat, *principium* tale *Effendi*  
agnoscere, ceu in seqventi §. pluribus  
patebit..

## § III.

Postquam ita nostram circa principium essendi declaravimus mentem, restat ut alctum divisionis nostræ membrum, principium nempe cognoscendi pensitemus; quod iterum duplex: *Complexum & Incomplexum*. De illo nullus dubitat, qvin in Metaph: quadret: de hoc v. Metaphysicos inter insignis fota est lis. Placet igitur in examen revocare ponderosas illorum rationes, qvibus è fono Metaphysico relegant *principium cognoscendi incomplexum*, dum scilicet conantur adstruere, affectiones posse probari de Ente, vel per *principium cognoscendi incomplexum*, vel per rationes quasdam saltem à priori aliquo modo inferentes. Undè qvam benè hoc Metaphysicæ conveniat, in confessio erit. Sic enim Excell. D. D. Calovius infert: *Principia incomplexa* sive *cæsæ* sint, sive *rationes* saltem superiores *inferentes*, è qvibus emanent attributa, & per quas *affectiones transcendentes* de ente verificari probentur, nullæ possunt denominari in Metaphysica. Non *Causæ*: *Causæ* enim *Causæ* non est in infinitum. E. substantendum in  
pro-

primo efficiente, quatenus efficiens est. At v.  
 Efficiens quatenus efficiens, est affectio entis,  
 E. concedenda est affectio sine efficiente  
 causa. Si hoc, multo minus subiectum Efficientis,  
 quatenus Efficientis est, scilicet ens  
 habebit principia essendi. Et si ponas sub-  
 jectum Metaph. Ens quā Ens principiis  
 essendi affectum, consequens est, nullum  
 dari ens, quod non agnoscat essendi prin-  
 cipia. Adeoque Deo etiam tribuenda  
 erunt, habebisq; Deum non Deum. Nam li-  
 cit in scientiis non tam objecti, quam  
 affectionum causae querantur, neque i-  
 stud, sed hæ probari debeant; attamen  
 quia affectiones subjecto immediatè in-  
 sunt ē principiis ejusdem omnino pro-  
 veniunt; adeoque easdem per principia de  
 subjecto verificari docendum est. Prete-  
 rea neque rationes inferentes heic locum  
 habent. Potest quidem ens considerari in  
 sua essentia, & veluti in momento pri-  
 mo, ut affectiones spectentur in momen-  
 to secundo quasi, nempe in actuali deno-  
 minatione & promanatione. At non dis-  
 quiritur, an affectiones Entis promanent  
 ab ente, sed de eo disceptatur, an detur  
 ratio aliqua superior, ē quā inferantur  
 affectiones Entis, & per quam de ente

Prædicentur? quemadmodum immutabilitas DEI, ejusdem infert eternitatem, independentia omnipotentiam. Ubi sanè non difficemur, affectionem unam deduci posse ex aliis; at quod primò, immediate & proxime detur aliqua ratio emanandi superior, è quā inferatur affectio Entis, haud concedimus. Ens enim, quā Ens, summum est omnium, & nihil se habet superius. Ipsum enim ens talis ratio esse nequit, quia principium & principiatum non sunt idem. Deinde multò minus salutabitur affectio Entis, quia per ejusmodi rationem debent affectiones de Ente demonstrari. At principium & affectio in uno conceptu non convenient, ut loquitur D. Garkius. Quare nulla heic reperiuntur incomplexa principia: quod probandum erat. hæc Excell. ille D. Calov.

#### §. IV.

*Principia complexa*, quæ modò Metaph. assignavimus, dispicienda esse, ratio ordinis svadet. Hæc si quis denegare Ei vult, is videat, ne sapientiam absque principiis manifesta contradictione fingat, quæ non est Metaph. utpote

quæ elicit conclusiones generalissimas & primis principiis. At novimus hoc tritum omnium circumfetri ore. Quemadmodum revelatio est principium Theologie; ita Lumen Naturæ Philosophie: quo ipso Lumen Naturæ revelatione contradistinguitur. Verum hoc cum grano salis acceptandum, inferioribusque solum disciplinis adscribendum, accurrata tractatio Metaphysicæ docet, ubi Lumen revelatum & Natura sororio quasi vinculo connectuntur. Est quippe hæc disciplina universalissima, universalissima proinde reqvirens principia. Quare, qui in investiganda ratione formalis transcendentium unice libro naturæ intendunt, & quæ in illo repræsentantur, hi certe nunquam exhibebant Metaph. in abstracione entis nec defendere poterunt, quod asserunt cum Philosopho, Metaphysicam esse disciplinam *γενικοτάτην*, generalissimam, & objectum ejus esse ens, quâ ens, sub abstractissima ratione. Nec abstrahere potes communem rationem, nisi à tibi cognitis & perspectis: Quomo<sup>do</sup>, quælo, ab infinito pariter & finito communis conceptus transcendentium praescendi potest, nisi imprimit constituerit tam

infiniti natura, quam finiti, & indoles tam mysticorum quam Prædicamentalium. Illorum autem notitia non aliunde pertenda, quam ē libro scripturæ, cum in libro naturæ nulla habeantur propriè mysteria.

Sic terminorum transcendentium: *Essentia*, *perfectionis*, *unitatis*, *bonitatis*, *incommunicabilitatis*, *Durationis*, *ubiquitatis*, *Principii*, *Cause*, *simplicis*, *identitatis essentialis*, *Distinctionis realis*, *oppositionis Relative* &c. *formalis ratio in abstractione summa* constitui nequit, si solummodo hemispherium inferius, *natura*, Spectemus; Et si ex illorum, quæ ibi nobis offeruntur, quidditate, *Duratione* &c. *conceptum quendam Communem* & *generalissimum præscindere* conemur, tum videbimus, nos cæcos ductores non solum in errorum præcipitia alios seducere, sed & ipsosmet oppidò male seduci. Nam *conceptus generalissimus competere* debet etiam rebus mysticis & Enti infinito. Non enim DEUS, Ens infinitum, ex Entis finiti conditione æstimari debet, *juxta Axioma Noolog: Divina ex abjecta creature conditione non sunt assimanda*. Pariter conclusiones Transcen-

dentales ē Sola rerum cognatione & principiis cognitionis naturalis elici nequeunt, nisi simul attendatur ad scripturā veritatem & principia Theologica. Quippe conclusiones, quæ adeo generales & universales esse debent, ut nihil quicquam detur in rerum natura, de quo istae non verificantur, illæ utique eruendæ sunt ē consideratione rerum omnium, quæcumque illæ sunt, sive nobis constent lumine revelationis, sive rationis. Alias conclusio habetur universalis, quæ tamen revera particularis est. Concludimus itaque ex modo dictis, geminum esse principium complexum Metaphysicæ. Unum Theolog. quicquid DEUS dixit hoc verum est. Alterum Philosoph: Impossibile est idem simul esse & non esse. quicquid his congruit, acceptandum est; quod vero ab iisdem dissidet, rejiciendum.

### §. V.

Nec est quod alicui scrupulum moveam, si discussis varietatibus vocis Principii, ampliorem mihi viam sternam ad ea, quæ jam venor, paucissimis etiam attingendo Genus Metaph. ubi certè necessum habeo fateri, hoc longè superius esse

32  
esse ingenio meo, præsertim cum vide-  
am, magnos in magna sententiarum hac  
de re abiisse divertia. Qvorum qvibus-  
dam placet, cætera ut omittam, pugna-  
re pro *scientia* qvibusdam iterum pro *sapientia*, singulis prægnantibus munitis ra-  
tionibus; qvas non novas heic in unum  
conferre plus satis existimamus. Pro *fa-  
cilius* pugnant his argumentis: In Me-  
taph: cognoscuntur proprietates entium  
per demonstrationem E. cognoscit con-  
clusiones suas scientificè. Scientia est  
demonstrationis effectus. Imo nihil aliud  
intendit Metaphysica, quam ut demon-  
straret varias affectiones de Ente. Deinde,  
ampliant vocabulum *scientiae*, ut aliquan-  
do ipsis significet notitiam conclusionis  
præcisè, & opponatur intelligentæ & sci-  
entia: Aliquando etiam implicit notitiam  
principiorum qualiumcunque, sine addito,  
primorum annon. Et hoc sensu scientia  
dicit illis rationem Generis ad sapien-  
tiam. Præterea, *principia*, inquit, non  
solere reqviri ad scientiam ea, qvæ sunt  
Efficiens & Finis rigorosè dicta, sed suffi-  
cere ad eam *complexa principia* sive com-  
munißima axiomata, item qvalescunque  
rationes qvæ à nobis apprehenduntur pri-  
ores

ores attributis. Et patet qvia hujus generis principia sufficiunt ad demonstrationem, ista qvidem saltem ad eam, qvæ est per impossibile; Hæc autem etiam ad demonstrationes potissimas, qvas dōlē vocant. Sic illi ratiocinantur, sed qvam valide, scire luet, dum argumenta, qvæ Excell, D. D. Calovius in aciem profert, candidè examineamus. Dicit enim hic in Metaph. sua p. m. 112. & 113. Certum est, scientiam tantum esse notitiam conclusionum seu earum propositionum, qvæ non simpliciter prime & summe, sed ad prima & summa axiomata habent sese, ut conclusiones. Qvamqvm aliæ scientia non tantum conclusiones sed & principia habeat, at saltem secunda, qvæ & ipsa respectu primorum conclusiones sunt. Hinc ulterius certum est, scientiam versari circa ens determinatum, procedere è causis proximis, scientificis, & affectiones certas de subiecto certo & precognito per easdem demonstrare. Horum autem neutrum Metaphysicæ competit, utpote qvæ neqve subiectum habeat alibi precognitum atq; determinatum, vel affectiones scientificas, vel demonstrationes affectionum de subiecto per rationes inferentes à priors, ne dū per prin-

*cipi causalia: neque conclusiones nudas,*  
*sed primis principiis stipatas proponat.*  
*Qui scientie vocem ampliant, & laxè*  
*usurpant, ut designet notitiam habitua-*  
*lem conclusionum, prut eliciuntur è prin-*  
*cipiis ( non determinate secundis, sed )*  
*indefinite & indeterminate, sive primis*  
*sive secundis, videntur mihi neque cum*  
*Philosopho loqui, neque cum veritate*  
*convenire. Laxa ejusmodi acceptio non-*  
*dum à Philosopho demonstrari potuit. At*  
*terminis usitatis inusitatas imponere si-*  
*gnificationes non permitunt Philosophi.*  
*Scientia habitus est, è particularibus prin-*  
*cipiis existens 1. Post. Anal. Notitia est*  
*conclusionis, non vero principiorum 4. Eth.*  
*C. 6. Anne haberi potest scientia, ubi*  
*nondum sciam medium in demonstratio-*  
*ne posicium esse, Causam proximam, &*  
*immediatam affectionis illius, qvæ de sub-*  
*jecto demonstratur? Annon ad scientiam*  
*in communi requiruntur, subiectum, prin-*  
*cipiæ effendi, & quidem talia, qvæ sine*  
*proxima ( hoc ipso distingvitur à pruden-*  
*tia & sapientia ) affectionam causa? Ha-*  
*ctenus ille. Qvod etiam D. Geilfus. in*  
*Eth. sua Exemplari p. 375. adstruit, dum*  
di-

dicit: Scientiam esse habitum, quo per veras & immediatas causas cognoscimus conclusiones necessarias. Et paulò post: Scientiam propriè & in rigore sic dictam, nulli competere cognitioni, nisi ei, que fit per causas veras & immediatas: conclusionumque esse scientiam, non principiorum. Hisce satis superque responsum iri, ad rationis illorum modo aliatas, speramus, nisi forte nostrum erit hæc adjicere, quod Metaphysica plus aliud intendat, quam ut affectiones solum de ente demonstret, principia videlicet inferioribus Disciplinis adhibeat, objecta prescribat, rationesque controversias decidendi suggerat, ceu in seq. patebit. Denique rationes qualescumque à priori inferentes, ad demonstrationes potissimas quas τὰ διότι vocant, sufficere, ut illi dicunt, falsissimum esse, luce meridiana clarius est, etiam illis, qui per transennam modò viderant Demonstrationis τὰ διότι definitionem, quæ est, quando de subjecto demonstratur affectio, per Causam efficientem vel Finalem proximam. His igitur rationibus adducti, minimè arrogantiæ crimen nobis inuri confidimus, si calculum, salvo tamen cujusvis judicio atque ho-

honore, iis addamus, qvi à parte ne-  
gantium stant, cum pari autoritate non  
solum cum cæteris sint, sed & rationi-  
bus illis prævaleant.

### §. VI.

Cum igitur jam probatum ivimus,  
scientiam non posse constituere *Genus Ade-*  
*quatum Metaphys.* pedem promovemus  
in castra illorum, qvi pro *sapientia* mi-  
litant, visuri, qvamnam & qvibus ratio-  
nibus munitam nobis adhibituri sunt *sa-*  
*pientiam.* Hanc Antesignanus illorum  
D. D. Calovius dicit dupliciter sumi, I.  
In *communi*, *præcise* & *abstracte*, qvam  
dicit esse *Habitum* qvemcunqve *Agemoni-*  
*cos* s. *discursivum*, cum *notitiâ* *principio-*  
*rum* *simul* *conjugentem* *notitiam* *conclu-*  
*sionum*, qvæcunque ea sint *principia*,  
qvæcunque *conclusiones*, modò in ista co-  
gnitione *ultimâ* *subsistatur*. Qvo ipso  
à *Prudentiâ* *discriminatur*, qvæ *προγένετιν* in-  
tendit. Sicut etiam ab *intelligentiâ* eò dif-  
fert, qvod si *habitus* *Agemonikos*, *principia*  
*simul* *cum* *conclusionibus* *habens* *Hæc*. v. *ha-*  
*bitus* *voηικος*, qvi *circa* *principia* *summa*  
*versatur*. A *scientiâ* etiam *discrepat* in hoc,  
qvod *hæc* sit *notitia* *conclusionum* per de-

monstrationem acquisita. Hanc communem significationem novam non esse, sed anteà usitatam, ex communissima Philosophiae definitione, Peripateticorum plerisque approbatâ afferitur, qvâ finitur: *Habitus mentis sapientiâ & prudentiâ constans.* Ubi sapientia absqve omni dubio sumitur pro quoever habitu Theoretico, qvia ē diametro habitui practico contradistingvitur. Deinde laxa ista significatio citra omnem exceptionem ab Aristotele præsupponitur, cum adhibetur hæc altera, ubi 2. Specialiter determinatè & restrictè accipitur vocabulum sapientiæ, prout est *Sapientia Prima vel Secunda*, ut ē 7. Metaph. Cap. II. apparet. Ita *Sapientia prima*, inquit D. Calovius, est, qvæ ex primis principiis conclusiones elicit universalissimas: Secunda, qvæ ex principiis secundis de subjecto determinato conclusiones format & statuminat. Et ut hujus nomine veniunt *Scientie*, Physica 7. Metaph. Cap. II. & p. c. alie qvæ sunt *Scientie*; ita i-*stud* unicè quadrat in Metaph. & cum ipsa ἀπλῶς reciprocatur. Qibus suppositis haud difficulter judicium ferri potest, num Metaph. per *Sapientiam* definiri possit? Jam autem per *primam* definiri

nequit, cum hæc Synonymum Grammaticum ipsius Ὀρθολογίας reputetur, & propterè ejusdem sit latitudinis cum eādem, cum tamen communior requiratur conceptus ad rationem Generis. Neque per Secundam definiri potest, qvandoqvidem hæc Synonymum Grammaticum Physicæ, aliarumqve inferiorum disciplinarum Theoreticarum exhibeat. Reliqvum proinde est, ut per Sapientiam abstractè sumptam definiatur hoc modo: Metaph. est sapientia Entis quatenus ens est. Ubi observatum volumus, qvod quemadmodum non omnes disciplinæ inferiores ὀντότητας sed ἀναλόγως naturam scientie, dum per hanc discipiuntur, participant; ita etiam ὁραλογία qvam maximè urgenda, dum illas per Sapientiam definiri afferimus; qvippe hujus requisita unicè & in solidum Metaph. congruunt. Qvæ sunt 1. omnia cognoscere conceptu maxime universali. 2. scire difficillima & à sensibus remotissima. 3. Habere notitiam certissimam 4. Habere maximam ad docendum aptitudinem, revocando omnia ad prima <sup>principia</sup> 5. propter se experti. 6. Aliispræesse. Hinc ad ultimum robur nostro conciliamus asserto, sic

sic inferentes: Cui Disciplinæ omnes conditiones sapientiæ competunt, illa potius per sapientiam quam scientiam, in quam ejusmodi nullæ quadrant, definienda est, at subsumo de Metaph. E. major suâ radiat luce. Minor non solum ab Aristot. Lib. a. Major. Metaph. Cap. 2: probatur, sed insuper etiam ab aliis etiam recentioribus Metaphysicis passim adstruitur, utpote D. Calovio, Jacob. Martini. D. Scheiblero & D. Aurivillio.

## MEMBRUM ALTERUM, *Regimen exponens Metaphysicum.*

### §. I.

**Q**uemadmodum DEUS homini, qui in hac mortalium statione cæco quodam impetu ad cuncta, quæ sibi accidunt, fertur, optimè consuluit, leges faciendo, ad quas, tanquam exactam normam, vitam actionesque suas dirigere necessum habet; Ne vitio naturæ depravatae honestatis limites transfiliat, potestatem illam legibus hominem coercendi Personis, quæ Reges audiunt, concessit, quorum deinde decretis refragari, minimè illi fas est: Haud dissimili ratione Orbi Phila-

sophico comparatum est. Habet enim ibi Rex suos subditos & subditi suum regem; legibusque caucum est, quid facere, quidve omittere debent. Ne igitur scientiae ἀκέφαλοι & sine capite dicantur, agnoscunt *Metaphysicam suam Reginam & Dominam*, quæ illis objecta largitur, & leges, ad quas tractari debent, subministrat, *principia nempe generalissima*, quæ sunt norma omnium statutorum disciplinarum, imperio puta illius subjectarum, adeò ut nihil in illis adseri vel statui debeat, quin ad normam istam collineent. Ubì tamen probè observandum: *Regimen Metaph.* non esse *practicum*, veluti imperaret suis subditis hoc vel illud: quodve consistat in externa professionum philosophicarum in societate humana directione; quale imperium in omnes disciplinas exercet *Politica*, limites & officia singulis scientiarum Professoribus praescribendo; sed *Theoreticum*, in interna vigoris atque vitae communicatione consistens. Influit namque Mataph. occulta ratione in disciplinas sibi subjectas, declarando eos terminos, citra quorum explicationem non potest ulla alia disciplina veritatem attingere, aut ad scopum suum

suum pervenire, ceu in posterioribus de  
hocce pluribus erit agendum.

S. II.

In *Regimine Metaph.* explicando o-  
cupatis, paucis significare lubet, qvinam  
*habitus* huic *Regimini* addicti, qvinam  
non. Imperat hæc *Regina Scientiarum*  
*Metaph.* *habitibus Διαγενήσιοῖς*, non *qvi-*  
*busvis*, sed *circa ens determinatæ quid-*  
*datis versantibus*, qvi unicè desiderant  
patrocinium *Metaphysicæ*. Exulant er-  
gò ex ejus Regno *habitūs* qvi aut *ejus-*  
*dem communītatis* cum *Metaphys.* aut  
etiam certo respectu *hāc superiores* sunt,  
Utpote *Primum Theologia*, hæc enim ( $\alpha$ )  
*Metaph.* non est subdita, cum objectum  
eius non communi viâ & modo se re-  
præsentet, nec *vulgaribus classib⁹ terum*  
contineatur: Nec principia hic ( $\beta$ ) ad-  
hibeantur ē prima *philosophia* desum-  
pta, qvin potius p̄tincipium adæquatūm  
& unicūm sit *Divina revelatio*. Deinde  
eximenda hinc est *Gnostologia*, qvip-  
pe hujus objectum I. est ipsius intel-  
lectus objectum, ideoque *indetermina-*  
*tum*, ut præcise  $\tau\epsilon\gamma\omega\varsigma\sigma\nu$  s. cognoscibile  
2. Non est sub ente sed æqvè latè patet

cum ente. Quid, qvod 3. opérâ suâ uatur Metaphysica circa objectorum determinationem; quare etiam ipsi est à consiliis, ceu in posterum docebitur. Tertiò removetur Noologia; est qvippe hæc habitus Νοητὸς, non Διανοητὸς, quales solum imperio parent Metaphysicæ, quæ ipsa habitus quoque est διανοητὸς, è principiis primis conclusiones eliciens generalissimas. Non 2. de ente, sed enti saltem collatione & analogia rerum agit. Non 3. à superiori pendet, sed in summam disciplinam virtute influit, eamque sic constituit, ut dicatur ῥῆσις καὶ θεωρίη vel scientia cum capite. Non puta formaliter ( habitus enim specie diversi nunquam sunt formaliter unus idemque specie habitus ) sed virtualiter, quia sapientia adhibet principia prima, non sub ratione signata & abstracta, prout è naturali rerum cognatione elicuntur, & certo objecto designantur; sed exercitâ & applicatâ, quatenus faciunt ad universalissimas conclusiones de ente formandas, & ceu reliquarum scientiarum fundamenta immotè firmandas. Quartò denique hinc relegatur Metaph., quæ licet objectum

sibi necessum habeat definire & præcognoscere, hoc tamen facit in parte *proœmiali*, modò, qvi obtinuit, & adhuc dum obtinet, apud cæteras generales disciplinas. Qvarum è numero etiam sunt *habitus instrumentales*, qvi neutiqvam Metaph. parent imperio, utpote qvi latius sese extendunt, qvam hæc.

### §. III.

Ex hinc facile patet, neqve *bene*, neqve *illas*, superiorem qvandam agnoscere *disciplinam*, à qvâ obiecti ratione dependeant, sed potius divisum qvâsi inter se habere imperium. Qvandoqvidem Metaph. in *directione inferiorum disciplinarum*, illarum utatur servitio, easdem vero neutiqvam dirigat, eapropter qvod illæ naturâ priores sint, cum dirigant ἀρχηντικῶς primam & secundam mentis operationem, simplicem rerum apprehensionem, nec non earundem compositionem & divisionem. Qvod præstat Gnostolog. primariò beneficio abstractionis & conceptus seu idealis representationis, secundariò verò ope disciplinarum & habituum, cum illa magis faciant ad apprehensionem; hæc vero potius ad conservationem conducant. Nologia autem, qvatenus ex analogiâ re-

rum prima cognoscendi principia derivat.  
 Quemadmodum & Metaph. primo &  
 principaliter dirigit reriam mentis ope-  
 rationem, tñ Agivorav. ē principiis primis  
 eruens conclusiones, cæterarum discipli-  
 narum principia, qvæ itidem faciunt, ve-  
 rum secundariò, ad tertiam mentis ope-  
 rationem perficiendam. Hoc ipsum clas-  
 rescit, si observetur objectum GNO-  
 LOGIÆ esse cognoscibile, qvod abstrahit ad-  
 hoc à primo scibili, objecto Metaphysicæ.  
 Cognoscibile qvæ tale præscindit à prime  
 cognoscibili & à cæteris secundò cognitis,  
 non aliter atqve substantia præscindit à  
 primâ atque secundâ substantiâ. Obje-  
 ctum Noologiæ, est rerum omnium co-  
 gnatio, qvæ exinde fluunt prima co-  
 gnoscendi principia, qvæ itidem prior  
 est objecto Metaph. in quantum videlicet  
 non possum abstrahere notionem commu-  
 nissimam & attributæ transcendentia, ab  
 omnibus quacunque sunt, nisi intuitu  
 cognitionis verum omnium, nec statue-  
 re conclusiones generalissimas, nisi ē  
 primis principiis veritatem suam obtine-  
 ant. Neutquam vero hic censendum,  
 objectum quasi ideo Metaph. à Consili-  
 ariis suis præscribatur, qvia objectum

Me.

Metaph. non dependet propriè loquendo ab eorum objectis licet eadem priora sint, qvalis dependentia datur inter Metaphysicam & inferiores disciplinas, qvæ propriè ab illa dependent. **G N O S T O L O G I A** qvidem explicat objecti naturam in ideâ ut objectum accurate exponatur in abstracto; & objectum ejus est scibile ut sit, adeoque terminatur eadem Simplici rerum apprehensione, præcisè & intra limites cognoscibilis quâ talis, neqvaquam vero hoc vel illud scibile determinatè apprehendit. **N O O L O G I A** vero rerum affinitatem spectat, & οὐγκείων considerat, qvæcunque in rerum natura sunt, non vero quidditatem attingit, nec Αληκινῆς res sive in abstracto, sive ut sunt determinata, te quidditatis, ullatenus pensaret, ideoque nec ad objectum determinatum descendere potest, utraqve demum considerat vel θεωρία, περὶ & minor, vel principia theoretica, practica & poëtica, sed neutra eosque progreditur, ut disciplinam qvandam Αλευρίκην præcogscat, ejusque objectum statuminet. Hisce observatis, relinquitur omnes tres prædictas disciplinas Directrices, objectum

*suum sibi præscribere, inferioresque Disciplinas dirigere, modo tamen non eodem: Metaphysicam legibus ut Reginam, reliquos illas ambas, consiliis ut Consiliarios Regios.*

### §. VI.

His ita præsuppositis res ipsa à nobis exigit, ut ostendamus, in quo Regimen Metaphysicæ consistat, ne Regina scientiarum titulum sine re habeat, ac Dominus & Regina audiat absqve muneris Regii administratione. Dicimus itaque cum recentioribus, officium hoc tribus potissimum comprehendimomentis: Qvorum PRIMUM est, leges inferioribus Disciplinis præscribere. Secundum limites s. objecta illis constituere. Tertium denique controversias in illis subortas dirimere. Qvod autem Primum attinet, Directionem scil. inferiorum Disciplinarum per leges, tum Metaph. hoc ipsum duplici exsequitur modo: Nöematice & Axiomaticè. Ille est, qvando per terminorum generalissimorum abstractam definitionem, universalissima representat nöemata, qvæ insignem præstant usum inferioribus Disciplinis: Hic vñ sit per ca-

nones & universalia Axiomata, prout illa ē naturā enīs, quatenus id adaequatè coram mente repræsentatur in se, affectionibus & modis quasi restrictioribus, eruuntur. utrumqve in §. seqv: planius explicatur.

### S. V.

Hoc ipsum, qvod dicimus, in apri-  
eo ut sit, fatemur Metaphys. leges non  
practicè præscribere, sed theoreticè, qvod  
præstat, dum versatur circa simplicem en-  
tis theoriam & attributorum communis-  
simorum doctrinam: ita ut universalia  
præcepta, qvæ ab omnibus particulari-  
bus suam obtinent veritatem, de illis  
formet. Qvod etiam probè notandum,  
tum in formalī terminorum transcenden-  
tium ratione, tum in abstractā principio-  
rum communium constitutione. Utrobi-  
que enim dominari debet abstractio, ab  
omni qvod est, adeoqve non minus ab  
ente finito quam infinito, ut antea  
dictum est. Et quam primum termini  
ad mystica applicari deprehendantur, per  
analogiam communis formandus est  
conceptus, abstractus ab his simul atqve  
ab illis. Nam qvemadmodum finitum

& infinitum participant ἀναλόγως Entis naturam; ita & quæ ad Ens, quæ Ens spectant. Ubi accuratè sciendum, contra naturam rerum, vel etiam citra applicationis fundamentum, nullam debere institui applicationem, cum non in omnibus sed in iis saltem, ubi quædam est communis ratio, convenientia detur. Et Analogie Fundamentum est, infinita rerum distantia, non ea, quæ sic dicitur ob omnimodam repugnantiam, alias non nisi aqvivoca erit applicatio, quæ est solum καὶ λέξιν, sed propter infinitam alterius extremi præ altero excellentiam, quæ in vi eminenti, & καὶ περῆψαι Analogia nominatur. Pariter cum communia axiomata ē naturā Entis, & quæ sub ente sunt, elicit, examen instituit, anteqvam fidem universalitati illorum habeat, num eadem inductio omnium particularium probet, vel etiam deductio ad impossibile fidem iisdem conciliet? ad quod principium, conclusiones, quotquot in Metaphysicā traduntur, generalissimas exigi, requirit tum sapientiæ primæ præminentia, cuius est ad altissima usque descendere principia; tum principiorum

scī.

scientificorum indigentia, qvæ munimento certè indigent, ut scientiæ suam alseqvantur certitudinem. Et qvem admodum Metaphysica *descriptions*, *formalem terminorum transcendentium rationem representantes*, in summa Entis abstractione format; ita non minus necessarium dicit, *divisiones*, *materiale rerum varietatem exhibentes*, sub *adæquatione omnimoda dare*, in quantum scilicet ratio formalis Metaphysicæ patitur, & ad sapientiæ primæ officium facere videntur; Adducit enim, qvæ ad *absolutam Entis theoriam* pertinent; qvæ vero ad *speciales disciplinas* spectant, prætermittit. Cum igitur hanc in modum munus suum obbeat Metaphysica, non potest non definitiones & axiomata accurata ac infallibilia tradere, qvæ cæterarum disciplinarum firmæ sunt *leges s. principia*. Nam in *Definitionibus* potissimum relucet *affinitas & cognatio rerum vel subtilitas*, qvæ summam & omni exceptione majorem arguit certitudinem, & conciliat evidentiam, ut è animadversâ, non possit non intellectus assensum præbere. *Axiomata autem cætera nihil aliud sunt*, qvam *axiomata*, qvæ à *Definitionibus*

nibus resultant; quare & he ἐξαιρέτως  
& principaliter; Illa vero ἐπομένως &  
consequenter dicuntur principia

### §. VI.

Sed quoniam & alii muneta hæc Me-  
taph. aliis, quam nos facimus, referunt  
modis, paucis, animus est, illorum ver-  
ba hic signare, ne forte quis, illis omis-  
sis, arrogantiæ notam nobis inurat. Di-  
cit enim D. Scheibl. Metaphysicam de-  
monstrare & confirmare principia prima  
& quidem id variis exseqvi modis, quem-  
admodum Svaretz. disput. 1. f. 4. n.  
17. id eleganter docebit. Primum, in-  
quiens, id facere, diligenter declarando  
terminos illos, ex quibus principia con-  
stant. Traditur enim in hac scientia,  
quid sit *Ens, essentia, actus, potestas, to-  
tum, pars* aliaque ex quibus illa prima  
*principia* conficiuntur. Ad primorum au-  
tem *principiorum* notitiam, nihil ferè  
magis facere potest, quam si termini recte  
intelligantur. Sunt enim perse nota, modò  
à terminis absit obscuritas, & recta adsit  
illorum notitia. Deinde facit id Metaphy-  
sica, potissimum confirmingo ea per de-  
ductionem ad absurdum, Qvod fit, si  
ejus

ejus oppositum involvat aliquid esse, vel  
 non esse. Solet & dici, quod Metaphy-  
 sica confirmet & demonstret scientiarum  
 particularium principia, & explicet terminos  
 generales; quod etiam nos ambabus  
 largimur manibus, utpote quod potissi-  
 mum ferè Metaph. est officium; sed quod  
 hoc magis quam illud diversum sit à no-  
 stro momento primo, quod fecimus; leges  
 inferioribus disciplinis prescribere, au-  
 thoritate D. Calovii, est quod negamus.  
 Nam dum disciplinis inferioribus modò  
 à nobis paulò anteà indigitato, leges  
 prescribit, confirmationem tam principi-  
 orum primorum, quam ortorum, satis su-  
 perque demonstrat. Et sic re ipsa conve-  
 nimus, verbis licet discrepemus. Nec  
 hic, quod prænominato loco Svaretz.  
 perseqvitur, observare pigebit, scil. quod  
 Metaphys. demonstret particularium Di-  
 sciplinarum principia, non immediate  
 illa attingendo, sed vel quatenus opus  
 est generalibus terminis, ad proprias de-  
 finitiones tradendas, & proprios terminos  
 explicandos; vel etiam quatenus in eis ge-  
 nerales vel transcendentiales habitudines  
 includuntur, sine quarum cognitione,  
 non potest aliqua ratio, seu quidditas

alicujus rei in particulari explicari; vel etiam cum ex generalibus suis principiis format deductiones ad absurdum, pro adstruenda veritate principiorum, quæ sunt in inferioribus Disciplinis.

### §. VII.

Exposita sic ratione Primi Muneris, conferimus nos ad Secundum, quod est in inferioribus Disciplinis objecta adsignare; sed anteqvam hujus interiores petamus recessus, è re esse videtur, paucis discutere, Num ob abstractionem secundum indifferentiam Metaphysicæ liceat descendere ad objectorum determinationem? Ubi ipsius objecti Metaphysicæ ratio formalis, per particulam quatenus ens expressa, altius exponenda. Sumitur enim tò quatenus dupliciter; αἰγιολογικῶς s. causaliter, ut innuat rationem s. causam, cur prædicatum subjecto conveniat; & οὐσικῶς s. determinativè, ut specificet objectum commune hoc modo: Ens secundum quidditatem communissimam objectum est proprium Metaphysicæ. Innuit itaque, exponente D. Calvio, ens in abstracto & universali, & excludit entia in particulari; innuit communem ra-

tionem omnium; excludit specialem considerationem singulorum; est enim abstracta ab omnibus, non concreta ex omnibus, considerat omnia in universali non universaliter omnia. Non enim prohibet Objecti formalis ratio descendere ad ea, quæ sub objecto formalis Entis continentur, h. est quæ enti quā Ente insunt vel subsunt; sed ea saltem removet, quæ ipsi extrinseca. Restringendus igitur est iste consensus ad indolem disciplinæ & rationem objecti formalem, quæ non impedit, quo minus Metaphys. objectum suum Ens in modis effendi contractioribus tractet, & infinitam rerum varietatem ad certas revocet classes, typicā & generali rerum omnium representatione; quia hoc modo considerare Ens, tantum abest, ut contrarietur Metaphysicæ, ut potius ad ejus absolutam pertineat notitiam. Hinc ὁ ΦιλόμοΦανερῶς patet, Metaphysicæ licere pensitate quædam Specialia, quamdiu ratio formalis objecti id patitur. Quamprimum autem aliquid occurrit, quod isti contrarietur, illicē contemplationem ejus præscindit. Sicut Metaph. ab Ente descendit ad substantiam. Hic cum nihil in-

venit naturæ suæ adversum, distinctè illam considerat, & porrò illam partitue dicendo: *Substantia* alia est *Spiritualis* alia *Corporalis*; jam autem quia hæ *Substantiae* in conceptu suo referunt determinatas quidditates, Metaph. illas dimitit, & scientiis particularibus qvoad propriam naturam & affectiones cognoscendas relinquit. Non tamen potest nec debet omnimodè hanc divisionem intactam relinquare, cum distingvendis disciplinis quam maximè inserviat. Quid in modo subiectere divisionem quandam specialiorem *spiritus* in *infinitum* & *finitum*, *Corporis* in *simplex* & *Compositum* &c. adeò non Metaphysicæ, licet appareat, contrariatur, ut commendet potius universalitatem & majestatem ejus, à quâ talia particularia suam habeant certitudinem. Non enim aliàs dispicere & judicare posset, num illa omnia, quæ sub *Substantia* spirituali & corporea comprehenduntur, ad unam aliquam disciplinam revocari possint: & quænam illa *Substantia* sit? aut num aliqua eorum ita sint comparata, ut ad idem *subjectum disciplinare* haud possint revocari; quam tamen subdivisio nem, inquantum illa typicè quodammodo

repræsentatur, Metaph. competere afferit D. Calovius p. m. 691, Quare hic non exspectanda erit istarum divisionum sive confirmatio, sive explicatio, utpote quæ aliena est primæ Philosophie.

### §. VIII.

Ut autem rectè suo munere fungatur in adsignandis objectis disciplinaribus, cognitionem eorum ante omnia sibi certam reddere debet, non quoad proprias rerum rationes scilicet naturas & affectiones, nisi velit iniqua audire in subjectas sibi disciplinas, ac potius spoliare quam conservare illas, sed satis habet generaliter & typicè quasi, res omnes per certas representando classes, illa ipsa præcognoscere, quoad rationem saltem nominis & existentiae, seu quoad Questionem, quid? & an id sit? Non enim adequata dari potest determinatio nisi rerum omnium varietate adequate prælibata. Quare etiam D. Calov. ex sixñ scilicet determinatibꝫ sua Allegoriaribꝫ Discretivam præmittit, ut constet quænam apta nata sunt constitutæ objecta Disciplinaria, quæ non, Cur & quomodo hoc fiat. Sciendum etiam hic Metaphysicam, in obeundo suo munere circa Objectorum designationem,

progredi, non modo practico, quasi hoc vel illud ab hac vel illa disciplinâ jubeat tractari; sed speculativo, dum scilicet *ens* partitur in determinatores & expressores modos essendi. In his divisionibus procedit eo usque donec inveniat aliquid, quo ipsius non est cognoscere. Hoc igitur omittit, & quia illud nihilominus sit scibile per se, oportet ut alia aliqua Disciplina scientificam ejus cognitionem persequatur. Juxta axiomâ Gnostol. Omne quod cognosci potest, necesse est in certa sede Disciplinari cognosci. Atque sic tali Disciplinæ, quæ ens illud determinatæ quidditatis ( quod in Metaph. sub notione Entis scientificè non potest tractari ) pro objecto sibi assumit, censetur Metaphys. id determinasse. Veluti Metaph. dividit Ens in substantiam & accidentem. Substantiam iterum in Corpus & spiritum. Hic cum videat hæc esse entia determinata, pleniorum exigentia notitiam, & propterea suæ naturæ adversantia, igitur illa dimittit, non nude tamen, sed locando ea in classibus rerum, probat illorum existentiam, rationemque nominis, ut est objectum, exponit, ceu ante dictum est. Quemadmodum Metaph.

ē Classe substantiarum, spiritum non quemvis, sed à DEO, angelis & anima rationali præscendentem, objectum Pneumaticæ facit, qvia sub ista notione spiritus nusquam, sive ut principium sive ut affectio sive ut species consideratur, qvin potius sua habeat, non quidem principia, sed attributa, & species seu modos speciales, qvibus contrahitur ad spiritum finitum & infinitum. Corpus etiam sicut duplii modo possit considerari, θεωρήσεις & πραγμάτων; ita duplex etiam indè oritur Objectum disciplinare; Physicæ & Medicinæ: Qvando essentia-  
liter & qvoad naturales ejus proprietates consideratur, objectum est Physicæ;  
Qvando vero accidentaliter, ut sanitati scilicet restituendum est, præcipue Corpus humanum, object. est Medicinæ. Adeoque sic tria objecta Disciplinaria ē Classe substantiarum exhibet Metaphysica.

### §. IX.

Cum Metaph. pari incedat gradu in designandis objectis accidentalibus, descendendo scilicet per gradus entium, resque omnes cujuscunqve classis generali-  
ter delineando, hinc modum præscri-

bendi objecta hic de novo repetere supercedo, cumgrave existimem fore, s<sup>æ</sup>pius iisdem lectoris obtundere aures; nisi qvod gratius sit despicer, *Cur non omnes accidentium classes objecta suppeditent disciplinaria?* Cujus rei ratio cum nobis ex perlustratione earundem innotescat, operæ pretium est, hic quadammodo in eas inquirere. *Secundarias* quidem accidentium *classes*, non facile quis dixerit, peculiaria Disciplinarum objecta subministare, utpote *Quando, ubi, situm, Habitum.* Qvandoqvidem, qvæ de illis cognosci possunt, aut ad alias disciplinas sese referunt, ut *accidentia*, aut expediuntur in parte Metaphysicæ *Alexandrinæ.* *Relationes* autem qvod concernit, et si earundem infinita penè sic varietas, ipsæ tamen cum minimæ sint entites, si separatim à fundamento suo spectentur, non possunt peculiare constituere objectum, ideoqve eò reducuntur, quo ipsarum fundamenetum, qvod est *absolutum accidens*; atqve sic relationes ad varias spectant disciplinas. *Qualitas* iterum consideratur, vel in genere vel ratione specierum suarum: Generalem considerationem absolvit Metaph. ut etiam gene-

ricam doctrinam habituum; sed de *babitibus* intellectualibus præcipere signatè, nullius est disciplinæ præter Gnostologiam. *Potentia Natural.* prout abstrahit à potentia spiritus finiti & corporis, et iam Metaph. est considerationis, circa doctrinam *Qualitatum*: Quatenus vero spectatur in *Corp. Natural.* revocatur ad aliud objectum, *Corpus* scilicet *Natur.* sicut affectio ad suum subjectum; quo etiam refertur *Patibilis qualitas.* *Figura & Forma*, præter genericam tractationem, quæ Metaphysicæ est, vel ad object. substantiale *Corpus*, tanquam accidentia revocatur, vel si *Figura abstractè* consideratur ad *Mathesin* spectat. Proinde cum consideratio *Qualitatum* à natura spirituum finitorum & corporum *Natural.* divilli nequeat, sed ad plenam & adæquatam illorum cognitionem faciat, nullum object. peculiare alicujus disciplinæ à *Qualitatibus* erui potest. Supereft igitur *Quantitas & Actio*, de quibus, quomodo objecta constituunt *disciplinaria*, jam disqvirendum.

### §. X.

Quemadmodum nemo inficias ibit,  
Quantitatem in natura rerum dari; sic  
etiam

etiam ultrò qvilibet concedet, accuras-  
tam ejus tractationem Metaphysicam si-  
bi non arrogare, sed alicui alii Disci-  
plinæ tanqvm objectum peculiare ean-  
dem adjudicare. Cum præterqvam qvod  
in Metaph. consideratur, ut est *Ens ac*  
*modus Entis*, sive qvatenus summe ejus  
*Classes ad Entis absolutam theoriam*, sa-  
pientiae primæ, propter universalem o-  
mnium cognitionem, debitam, repræsen-  
tantur, etiam sub *alio formaliter* perpen-  
di possit, qvatenus scilicet est *Extenſa*.  
Qvomodo *Quantitas bifariam* expedi-  
tur; vel in *statu præcisionis*, qvà abstra-  
hit à *Magnitudine & Multitudine*; vel  
reſtricte ad *Quantitatem Continuam &*  
*Discretam*. Cum igitur *Quantitas hoc*  
modo in nulla alia Disciplina habeat fe-  
ſe, vel per modum *principii vel affecti-  
onis vel ſpeciei aut modi contrahentis*,  
conſtituat, necesse est, peculiarem discipli-  
nam, qvæ *Mathesis* audit. Hæc veluti  
*Princeps sub Regina ſcientiarum* tamen  
conſtituta, cum alias disciplinas, tanqvm  
plures principatus, sub *juris dictione sua*  
obtineat, etiam ipsa de finium ſ. objecto-  
rum earundem determinatione ſollicita  
effe debet, neqvaqvam vero candem à

Metaphysicā exspectare. Quare nec operiosius hic specificationem illarum persequimur, sed Mathem. hoc ipsum negotium celiq; vimus,

### S. XI.

Superest denique ut mentem nostram circa considerationem Actionum quoque exponamus, ex quibus omnes, recte sentientes, quædam objecta disciplinariae facili posse, etiam non inviti assertent. Quare cum individua veritas ab illorum sententiâ abire nequaquam patiatur, neque mihi videtur aliquas posse excogitari rationes, quibus ea illorum concepta & rationibus suffulta sententia arietari possit, exponere luet, quænam sint illæ *Actiones*, quæ objectum Philos. Prædictæ constituunt: *Humane* nempe, non quidem *naturales*, quia necessariæ sunt, & sub *Iewelis* cadunt in eâ scientiâ, quæ principium agendi naturale, facultates & potentias activas considerat; sed *Voluntarie*, prout moraliter rectificandas. Quid quidem assertum à vexationibus aliorum liberum esse, minimè diffiteor, ut potè qui dicunt: *Actiones rectificandas*, in fieri, non referre conceptum realem, quippe sunt *Ens in potentia*; Verum cum

*non*

ad hoc illorum palmarium ab Adm.  
Rev. D. Profes. Wanochio, in Disqq. suis  
Practicis sufficienter responsum iri existi-  
mem, placet integrè verba illius hic as-  
sumere; dicit enim ibi p. 369. Quamvis  
*Actio moralis*, in fieri, sit in potentia obje-  
ctiva, respectu facultatum animae huma-  
nae, gignit tamen conceptum realem, cum  
actio talis non sit ens in potentia nega-  
tive tale, sed positive, per denominatio-  
nem à suis principiis, atque sic habet re-  
alitatem ac entitatem in illis. Nec enim  
Ens in potentia mox est Ens rationis, quia  
ut dictum, habet realitatem in suis causis,  
Et quidem talem, ut de facto possit esse,  
quale præexistit in virtute vel potentia  
causæ. Plura, si placet, p. seqq. ibidem  
videbis. Quid imò easdem illas actiones  
Objectum Jurisprudentie constituere cen-  
sebis, sub hoc tamen formaliter, quatenus  
legibus consonæ sunt.

### § XII.

Excipit jam ultimum requisitum im-  
perii Metaphys. qvod est *Controversias in*  
*inferioribus Disciplinis subortas dirimere.*  
Cum igitur disciplinæ lites præcipue de  
terminis, limitibus seu distinctionibus  
inter se mutuis foveant, nec satis constet,

qua

qvâ in sententiâ acquiescant, ad Metaphysicam provocent, neceſſe est; Unde, omnibus rite examinatis, sententiam deo-  
indè exspectabunt verissimam. Verum  
qvomodo illa hoc ipsum exsequitur, cla-  
rissimè, si duo illa anteriora ejus offi-  
cia æqvâ judicii lance pensitemus, ap-  
paret. Dum enim Metaph. attributo-  
rum transcendentium rationem formalem  
in summa abstractione scrutatur; Di-  
fisiones materialem rerum varietatem ex-  
hibentes in adæquatione omnimoda po-  
nit: Axiomata universalia ex primis  
principiis firmat: Objectaque, tanquam  
certos limites, qvos nullis licet excedere  
disciplinis, determinat, non potest non  
justitiæ præsidere, controversiasque sub-  
ortas decidere, modo tamen sibi proprio,  
Theoretice scil. cuncta illa, de qvibus  
controvertitur, explicando, non vero præ-  
ticè, hanc vel illam sententiam verissi-  
mam esse, illis præscribendo; ut & illa  
omnia ad principia prima revocando.

### §. XIII.

Cum autem in superioribus mentio-  
nem fecerimus de Consiliariis Regis,  
Gno-

**GNOSTOLOGIA & NOOLOGIA**, statuentes  
 Metaphysicam hoc imperium suum, illis  
 mediantibus, gerere, colophonis loco jam  
 demonstrare volumus, quomodo hæ disci-  
 plinæ Metaphysicæ in obeundo hoc suo  
 regio munere inserviunt. Scil. **GNOSTOLO-**  
**GIA** subministrat consilia, quo noverit  
 Metaphysica abstrahere, atq; in abstra-  
 ctione Entis omnia representare. Docet  
 quid observandum, circa applicationem  
 terminorum communissimorum ad res my-  
 sticas & prædicamentales; analogiam vi-  
 delicet urgendam esse; quemadmodum in-  
 vocationem dominari afferit in rebus  
 planè æquibus. **NOOLOGIA** iterum vir-  
 tute insuit in Metaph. dum videl. hæ  
 conceptum non potest abstrahere commis-  
 simum, nisi intuitu cognitionis reo-  
 rum, nec conclusiones suas generalissi-  
 mas è naturâ Entis derivare, nisi prin-  
 cipiis primis roboratas, ceu antea in §. 3  
 dictum est: Utiturque sic *Regina Sci-*  
*entiarum GNOSTOLOGIÆ & NOO-*  
*LOGIÆ* operâ; illius in *Directione*  
*Disciplinarum noëmaticâ*, hujus vero in  
*directione axiomaticâ*.

Hæc sunt B. L. quæ summa cum festinatione, super Materiâ hac nobilissimâ, à me verius consarcinata, quam arte elaborata sunt. Fateor etiam, multa, quæ forsitan tuo arriderent palato, omissa, plura vero ob angustiam temporis non satis explicata. Quæ omnia mihi condones, obnixè rogo.

Sit itaque

## **SOLI DEO GLORIA.**

Clarissime Dn. CANDIDATE,

*Præceptor Honorande,*

Cum crebris pervolvam cogitationibus sincerum illum animum, quem per aliquod temporis spatium sine fuso, *Præceptor dilectissime*, mihi præstitisti, inter spem timoremque hæreo, num possim meritis tuis vicem quandam officii, exigui licer, reddere, cum conscius meæ tenuitatis, vereor,, ne votiva mea verbula lauto palato minimè sint grata; Verum gratitudinem suam dissimulare & non profiteri, ingratudinis cum habeatur nota, necesse est, ut affectum in Te, *Præceptor amande*, oppidò gratum simplici efferam voto, præmium scil. quod devoratas molestias, insomnesque tuas insequitur noctes, fausto ac felici sidere accipias!

G. GyDENSEÆPÆ.

*Ad*

Clarissimum Dn. Candidatum,  
Amicum suum singularissimum juxta  
ac colendissimum.

**Q**uid valeat reliqvas inter sapientia  
*prima*,

Hæcce docere potest pagina docta  
*tua*

**Q**uid valeat vigili didicisse fideliter artes  
Curâ, hæc exemplo tuque BRUMERE  
doces.

Nam coluisse fuit Musas tuus ardor in  
omni

Tempore, sic ipsæ laurea serta pa-  
rant.

Laurea serta parat castissima turba  
novena

Qvæ capiti imponet, temporibus-  
que tuis.

I felix igitur qvo te fortuna vocavit,  
Suscipe ter felix qvæ tibi fata da-  
bit.

DANIEL SIRENIUS.

*Ad*

*Virum-Jovenem*

*Literis & moribus clarum*

**DN. ERICUM BRUMERUM,**  
**Philos. Canddiatum meritissimum,**

*&*

*Gymnasii Wiburgensis confirmatum*

*Logic. & Phys. LECTOREM,*

*Pro honoribus in Philos. merito suo obtinendis,*  
*de*

*REGIMINE METAPHYSICO,*  
*doctè & subtilitè differentem,*

*Hexametra hecce*

**E**ῦγε ἐπεῖρε Φέρισε, κρυφαῖα λέγων νὺ  
μεταλλᾶς,  
Ἄγχιστός οοφίης πολυβενθέα δόγματά ἐρευνῶν,  
Σπεῦδ, ἔτι γν κομιδῆ, καὶ τάχθεε μόχθου ἄ-  
μετρον,

Πλεῖσον γαρ̄ χραισμεῖ ἵνα σ' ὄκαδε κέρδος ἄρησ,  
Ηλιβάλς οοφίης Γε κε λείσῃ ἑρά σμια δρέψης,  
Καὶ εφανωθῆς τῷ δάφνης ἐρεψηλέθρῳ ὅζω,

*Animo quam verbis prolixius  
scripsit*

**ENEVALD. WANOCHIUS.**

**E**xcelsum illum Parnassi verticem ascende-  
re, qvid nisi ingens opus, maximusque  
labor? prærupta; enim & per asperos gradus  
scrupulosa via, viatoribus terrorem incutit  
sæpè talem, ut vel retrò abeant, vel in me-  
dio gradum sistant, antequam ad culmen i-  
psos perducit fortuna; sed Tibi, Frater dile-  
*cissime*, nec scrupulosa ac lubrica saz̄a, nec  
asperitas viarum, nec aliud prægrave onus  
moram objiciebant, qvin feliciter ad metam  
propositam contuleres, præmium quod Mu-  
sæ conferunt, maximo desiderans studio. Quo-  
ties enim diligentiam tuam ante lucana tem-  
pora novere? qvoties laborcs perduros dies  
tui senserunt? quoties nox atra invictum stu-  
dium? quoties Te infesta novercantis fortu-  
næ tela, qvorum crebris qvidem qvassatus  
es ictibus, à proposito terrere rentaverunt?  
verum strenuum in hisce subeundis semper Te  
præbuisti. Gratulor igitur Te felicem, quem  
fata sic evehere placuerunt, vovoque, ut fe-  
lici successu capias jam illud honoris decus,  
qvod meruit virtus, meruere cura & la-  
bores!

Fratri suo  
gracili sic crenâ rovit.  
**SIGFRIDUS BRUMERUS;**  
Helsingf. Nyland.